

IKHTIYAARADA RUQSADA BANAANKA EE AT-A-GLANCE

IHadda maadaama oo ay Degmada King gashay Wajiga 2 ee Qorshaha Bilawga Amaanka ah ee Qorshaha, waxaan ognahay inuu jiro malkiilyaal badan oo ganacsigooda diyaar u ah inay dib u furaan ama balaadhiyan shaqadooda banaanka, markaa waxa aanu abuurnay xaashidan macluumaadka si aanu u bilawno!

In Wax Lagu Daro ama Loo Balaadhiyo
Banaanka Ganacsigaaga Jidka ama Jidka Cagta
 Hadii aad doonayso inaad isticmaasho makaanka banaanka ah ee jidka cagta ama wadada ku hor taala ganacsigaaga si aad uga samayso maqaaxi kumeel gaadha ah ama goob wax lagu iibyo oo dheeraad ah ama hadii aad tahay mulkiilaha gaadhi cuntada lagu dhax iibyo kaas oo isku dayaya meelo cusub, waxa aad u baahanaysaa Ruqsada Istimmaalka Jidka ee Waaxda Seattle ee Gaadiidka (Seattle Department of Transportation, SDOT).

Waxa aynu abuurnay ikhtiyaaro ogolaansho cusub, oo dabacsan oo macmacaanlayaasha, mishiinka alaabta lasoo dhigo, iyo cuntada iyo waxyaabaha kale ee la iibinayo ee jidka cagta ah. Waxaa ruqsadahan la isticmaali karaa ilaa lix bilood.

- **Ruqsada Macmacaanlaha Banaanka ee Kumeel Gaadha ah:** Waxa aad dalbataa ruqsadan hadii aad tahay mulkiile maqaaxi kaas oo doonaya inuu kuraas dhigo jidka cagta ama wadada agteeda meesha gaadiidka la dhigo. Ruqsad dheeraad ah oo ay bixiso Gudida Khamriida iyo Mukhaadaraadka Gobolka Washington aya loo baahanayaa si khamri loo iibyo.
- **Ruqsada Mishiinka Soo Bandhiga Alaabta ee Kumeel Gaadha ah:** Waxa aad dalbataa ruqsadan hadii aad tahay mulkiile tukaan kaas oo doonaya inuu ku balaariyo shaqadiisa banaanka jidka cagta ama wadada agteeda meesha gaadiidka la dhigto (waxa aad ogaataa inay ku jirto meesha wax lagu iibinayo).
- **Ruqada Wax libinta Kumeel Gaadha ah:** Waxa aad dalbataa ruqsadan hadii aad tahay cid wax iibisa oo aad doonayso inaad hesho dabacsanaan goobaha aad wax ku iibinayo iyo mudwoyinka aad joogayso. Waxaa taas kamid ah wadooyinka iyo goobaha jidka cagta ee gaadiidka cuntada iyo miisaska cutada la dhigo.

Fadlan ogsoonaw in maqaaxiya iyo tukaamada loogu baahan yahay inay sameeyaan wixii dayr ah ee loogu baahan yahay in lagu buuxiyo shuruudaha. Kharashka ruqsada waxaa weeye celcelis ahaan \$320 (waxaana ku jira qiimaynta iyo kharashka baadhitaanka). Waxa aynu balaarinaynaa oo aynu mudnaanta siinaynaa arjiyada noocyadan ruqsada, laakiin, wakhtiga dheeraadka ah ee qiimayn ah aya loo baahan karaa taas oo ku xidhan tayada arjiga ruqsada, murugsanaanta goobta, iyo cabirkha dalabka.

In kasta oo ayna meel kastaa u qalmin ruqsadan, waxa aynu ku faraxsanahay in aynu kaala shaqayno ogaanshaha fursadahan!

Ku Darida ama fidinta Ganacsigaaga Banaanka ah Meel Gaadh Loo Leeyahay

Hadii aad xiiseyneyo inaad samayso ama aad balaarisoo goob banaanka ah oo hawlaho ganacsii ah ee hantidaada ah, waxa aad u baahan kartaa mid kamid ruqsadaha (Waaxda Seattle ee Dhismaha iyo Baadhitaanka (Seattle Department of Construction and Inspections, SDCI)..

- **Ruqsad Istimmaalka Rasmi ah:** Waxa aad dalbataa ruqsadan hadii makaankaaga banaanka uu u jiro meel ka badan 50 fuudh aaga la degan yahay oo uu buuxinayo heerarka Xeerka Istimmaalka Dhulka Magaalada. Ruqsadani waxay kuu ogolaanaysaa inaad isticmaasho makaanka banaanka ee cusub si rasmi ah.
- **Ruqsada Istimmaalka Kumeel Gaarkka ah:** Dalbo ruqsadan hadii aaga banaanku uu ku yaalo wax ka yar 50 fiid meel u jirta aaga la degan yahay ama hadii aad u baahan tahay dabacsanaan heerarka Xeerka Istimmaalka Dhulka. Ruqsadani waxay kuu sahlaysaa inaad isticmaasho makaanka banaanka ah ilaa afar todobaad, laakiin waa inaad kolba dib u dalbataa.
- **Ruqsada Istimmaalka Dhexaadka ah:** Dalbo ruqsadan hadii makaanka banaanka uu ku yaalo 50 fiid wax ka yar aaga deegaanka ama hadii aad u baahan tahay dabacsanaan heerarka Xeerka Istimmaalka Dhulka, iyo hadii ay tahay kaliya inaad isticmaasho makaanka banaanka hal ama laba maalmood todobaadkii. Ruqsadani waxay shaqaynaysaa sanad buuxa.

Kharashka ruqsadu celcelis ahaan waxaa weeye \$350. Waxa aynu balaarinaynaa oo aayu mudnaanta siinaynaa arjiyada ruqsadaha noocan ah. Iyada oo ku xidhan tayada arjiga ruqsada, waxaa ruqsada la qaadan karaa ilaa sadex todobaad si loo helo

Miyaad u baahan tahay kaalmo ama ma qabtaa su'aalo ku saabsan ikhtiyaaradaada?

Hadii aad qabto su'aalo ku saabsan ruqsada kala duwan ee aad heli karto ama aad u baahan tahay in lagaa caawiyo diyaarinta arjiga, fadlan nagala soo hadal 206-684-8090 ama iimeel noogu soo dir oed@seattle.gov wixii kaalmo iyo caawimaad farsamo oo bilaash ah.

Wixii macluumaad ah ee dheeraad ah ee ku saabsan ruqsada hantida gaarka ah ee banaanka waxa uu ku jira websaytka SDCI ee www.seattle.gov/sdci/permits/how-do-you-get-a-permit.

Wixii ruqsada banaanka ah ee jidka iyo wadada cagta, waxa aad ka heli kartaa macluumaad dheeraad ah websaytka SDOT ee www.seattle.gov/transportation/permits-and-services/permits/temporary-permits

